



UGOVORA

o javnoj nabavci opreme i softvera za automatizaciju CNG punionice

Ugovorne strane:

KJKP "Sarajevogas" d.o.o. Sarajevo

Ul. Trg Fadile Odžaković Žute br. 4, Sarajevo

Koga zastupa: v.d. Direktor Preduzeća, Samir Pajević, dipl.ing.maš.

(u daljem tekstu: Kupac)

i

Delta Petrol d.o.o. Kakanj,

Alije Izetbegovića br. 149, 72240 Kakanj

Koga zastupa: direktor, Bakir Spahić,

(u daljem tekstu: Prodavac)

Član 1.

Predmet ovog ugovora je nabavka **opreme i softvera za automatizaciju CNG punionice** po konkurentskom zahtjevu za dostavljanje ponuda broj KN-05-12/20. Prodavac **opreme i softvera za automatizaciju CNG punionice** je dostavio ponudu prema Obrascu za cijenu ponude kupca broj SP-OJ04-KN-05-12/20 (Aneks III). Sadržaj i vrijednost roba iz stava 1. ovog člana (Obrazac za cijenu ponude SP-OJ04-KN-05-12/20 - Aneks III) priložen je ovom ugovoru i predstavlja njegov sastavni dio.

Član 2.

Ugovorna vrijednost roba iz člana 1. ovog ugovora bez PDV-a iznosi: **9.700,00 KM (slovima: devethiljadasedamsto KM)**, a jedinične cijene su specificirane u prilogu ovog ugovora i čine njegov sastavni dio. Jedinične cijene su fiksne i neće se mijenjati tokom perioda važenja ugovora.

Član 3.

Prodavac će robe iz člana 1. isporučiti i instalirati prema Obrascu za cijenu ponude SP-OJ04-KN-05-12/20 nakon zaključenja ovog ugovora i dostavljanja narudžbe od strane kupca. Ugovorne strane su saglasne da se kvalitativni i kvantitativni prijem isporučene i instalirane robe izvrši od strane ovlaštenih predstavnika svake ugovorne strane na mjestu instalacije i ugradnje – CNG punionica u Butilama, Sarajevo.

Član 4.

Prodavac će obračun isporučenih roba vršiti po jediničnim cijenama iz priloga ovom ugovoru. Kupac će plaćanje izvršiti u roku od 30 dana nakon isporučene i instalirane opreme i prijema uredno ispostavljene fakture, na transakcijski račun prodavca naznačen na fakturi.

Član 5.

Kupac i prodavac se neće smatrati odgovornima za zakašnjenje u ispunjenju obaveza prema ovom Ugovoru, neposredno ili posredno, ako je zakašnjenje uslijedilo usljed više sile. Pod višom silom se podrazumijevaju slučajevi koji se mogu pojaviti poslije stupanja ugovora na snagu, a koji nisu pod kontrolom ni jedne ugovorne strane, niti se objektivno mogu predvidjeti, a sprječavaju jednu ili obje ugovorne strane u ispunjavanju njihovih ugovornih obaveza.



Član 6.

Prodavac nije ovlašten da zaključuje podugovore sa drugim licima u cilju realizacije ugovornih obaveza bez prethodnog pismenog odobrenja kupca.

Član 7.

Prodavac je u obavezi da od momenta ispostavljanja narudžbe od strane kupca izvrši isporuku robe u roku od 10 dana. Za svaki dan kašnjenja u isporuci i instalaciji kupac će zaračunati penale u iznosu od 1% ukupne vrijednosti ugovora s tim da ukupan iznos penala ne može biti veći od 10% ukupne vrijednosti ugovora. Garantni period za isporučenu i instaliranu opremu je u trajanju od godinu dana od datuma njenog zvaničnog puštanja u rad.

Član 8.

Ukoliko kupac u ugovornom roku iz člana 4. ovog ugovora ne plati cijenu za isporučenu i instaliranu opremu iz člana 1. ovog ugovora obavezan je prodavcu isplatiti i zateznu kamatu u skladu sa zakonom i drugim propisima koji uređuju ovaj institut.

Član 9.

Ovaj ugovor se zaključuje na period do njegove realizacije, ali ne duže od 1 (jedne) godine računajući od dana potpisivanja istog. U slučaju raskida ugovora, ugovorna strana koja traži raskid ugovora obavezna je da o svojoj namjeri obavijesti drugu ugovornu stranu sa otkaznim rokom od 30 (trideset) dana.

Član 10.

Ugovorne strane su saglasne da prodavac neće zapošljavati, odnosno angažovati fizička i pravna lica koja su učestvovala u pripremi tenderske dokumentacije ili bili angažovani kao članovi ili stručna lica u Komisiji za nabavke. Ograničenja u smetnji iz stava 1. ovog člana traju 6 (šest) mjeseci od dana zaključivanja ugovora.

Član 11.

Na sve odnose i institute koji nisu navedeni u ugovoru, a pojave se prilikom realizacije, primjenjivat će se odgovarajuće odredbe Zakona o obligacionim odnosima.

Član 12.

Ovaj Ugovor stupa na snagu danom potpisivanja od strane obje ugovorene strane, a sačinjen je u 5 (pet) istovjetnih primjeraka, od kojih Kupac zadržava 3 (tri) primjerka a Prodavac zadržava 2 (dva) primjerka.

Član 13.

Sve nesporazume do kojih dođe u realizaciji ovog Ugovora, a koji se ne mogu riješiti u duhu dobrih poslovnih odnosa, rješavat će nadležni sud u Sarajevu.

Za Prodavca:

Direktor

Bakir Spahić

Broj ugovora, 921/20-15



Za Kupca:

v.d. Direktor Preduzeća:

Samir Pajević, dipl.ing.maš.

Izvršni direktor:

Alisa Konaković, dipl.iur.

Broj ugovora, 135/20

11-06-2020